

## Maañgo, Talaash Karo, Aur Dastak Do.

**Injeel : Mattā 7:1-14**

[Īsā<sup>(a.s)</sup> ne logoñ ko taaleem dete hue kahā,] “Tum dusroñ ke liye saḡḡḡ se faislā nā karo aur tumhaare liye bhī naheen kiyā jaaegā.<sup>(1)</sup> Tum jis tarah se dusroñ ke hak me faislā karte ho, tumhaare liye bhī usī tarah se faislā kiyā jaaegā. Allaah rabbul kareem tumheñ bhī waise hī maaf kar degā jaise ki tum dusroñ ko kar dete ho.<sup>(2)</sup> Tumheñ apne bhaaī kī āñkh me paḡī huī thoḡī sī dhul kaise dikh jaatī hai, jabki ḡḡud apñī āñkh me paḡī huī gañdagī tumheñ pareshaan naheen kartī?<sup>(3)</sup> Tum apne bhaaī se kahte ho, ‘Bhaaī, āo main tumhaarī āñkh ko saaf kar duñ.’ Tum ye kyuñ kahte ho? Tum apñī āñkh me paḡī gañdagī ko kyuñ naheen nikaalte?<sup>(4)</sup> Tum bahut farebī ho! Pahale apñī āñkh saaf karo tabhī tum apne bhaaī kī āñkh me paḡī gañdagī ko dekh kar nikaal paaoge.<sup>(5)</sup>

“Tum log paak cheezoñ ko kutte ke saamne mat ḡaalo. Apne motiyon ko suaroñ ke saamne mat pheñko. Wo unheñ sirf apne pairon ke neeche kuchaleñge aur kutte tum par palaḡ kar hamlā kareñge.<sup>(6)</sup>

[Īsā<sup>(a.s)</sup> ne kahā,] “Tum log maañgte raho aur tumko mil hī jaaegā. Apñī talaash jaarī rakho, aur tum use haasil kar hī loge. Darwaaze par dastak dete raho, aur wo tumhaare liye khul hī jaaegā.<sup>(7)</sup> Haañ, jo maañgnā naheen ḡḡodegā, usī kī muraad purī hogī. Wahī use ḡḡuñḡh paaegā jo apñī talaash ko jaarī rakhegā. Us inḡaan ke liye hī darwaazā kholā jaayegā jo us par dastak detā rahegā.<sup>(8)</sup>

“Suno! Agar tumhaarā beḡā tumse roḡī maañge to tum kyā karoge? Tum me se kaun hai jo use patthar degā?<sup>(9)</sup> Yā agar tumhaarā beḡā machḡī maañge, to kyā tum use saamp doge?<sup>(10)</sup> Tum log gunaahgaar ho kar bhī ye jaante ho ki apñī aulaad ko kyā acḡḡī cheez denī chaahie, to phir tumhaarā parwardigaar bhī maañgne waale ko acḡḡī cheezen hī degā.<sup>(11)</sup>

“Isle, hameshā tum dusroñ ke saath waisā hī karo jaisā tum apne liye pasañd karte ho. Yahī Musā<sup>(a.s)</sup> kī shareeyat aur nabiyon kī taaleem kā saḡī matlab hai.<sup>(12)</sup>

“Tañḡ darwaaze se hī [Allaah taa’alā kī saltanat ke] añdar jao. Baḡā darwaazā aur āsaan raastā sirf barbaadī kī taraf le kar jaatā hai.<sup>(13)</sup> Lekin jo darwaazā ḡḡoḡā aur jiskā raastā tañḡ ho, to wo hī tumko behatreen ziñdagī kī taraf le jaaegā. Is raaste ko bahut hī kam log hī ḡḡuñḡh paate haiñ.”<sup>(14)</sup>